

肥鄉縣志卷二十三

典禮

顯庸創制禮法實昉自周官通變宜民禮文宜稽之往代治神人和上下既縷晰而條分行邦國用朝廷更珠聯而璧合經

聖人之損益備下邑之紀綱議之者且不厭詳明行之者宜何如鄭重祭春秋而拜朔望告有司往盡乃心戎受賑而祀執膳願學博勿以為肉志典禮

一古禮

聖誕冬至元旦同

知縣率僚屬先一日黎明設饗駕龍亭詣公所習儀畢迎龍亭奉安明倫堂上至日五鼓行禮如制其致仕鄉官私家望闕叩頭致敬舉監生員則赴縣隨拜

開讀 詔制

知縣率僚屬豫陳饗駕出郭迎接徒步導至縣堂行禮如制

日食月食同

肥鄉縣志

卷二十三 典禮

縣官率僚屬日食用朝服月食用常服於縣堂上班長官擊鼓三聲其下樂作不絕聲陰陽學報初食食既完滿三次皆行禮如制

鞭春

立春先一日縣官率僚屬於東郊祭芒神迎春赴縣堂春宴至日五鼓具朝服行禮如制縣官以杖擊牛三匝僚屬以下羣如之

二祭禮

先師廟

舊稱大成至聖文宣王明世宗更定徽號曰至聖先師孔子徹塑像易以木主今仍之歲二祭時用春秋月用仲日用上丁牲用太牢樂用懸鐘舞用八佾後用六佾祭品中尊三太羹一和羹二黍稷稻粱左鹽羹魚棗栗榛菱芡鹿脯右韭醯醢菁鹿醢芹兔笋魚醢羊豕各一前案香燭祝板

祭物 牛一 鹿一 帛九豕七羊三兔九燭大一對中二十對小五十對羹肉三斤羹魚五黍稷稻粱米各一斗

一升鹽八斤棗九斤栗八斤芡四斤菱米三升白果二斤芹六斤韭二斤筍六兩菁二觔香真芽各十兩檀三斤末七升酒三罈大料九兩草六担油四斤柴百斤庭燎二把竹一根鹽醢二罈魚醢三罈炭

百斤紅麴二包 出舊志近牒增微異



祭器積一登一鉶二籩豆各十簠簋各二酒尊三爵三篚一設於壇東南西向祝文案一設於壇西

四配  
復聖顏子 名回字子淵  
述聖子思 名伋字子思

宗聖曾子 名參字子輿  
亞聖孟子 名軻字子車一字子輿

祭品左二共羊豕一每位減黍稷稻粱餘同正壇右二同祭器陳設鉶籩豆各八簠簋各二爵三帛一

十一哲

閔子 名損字子騫

冉子 名雍字仲弓

端木子 名賜字子貢

仲子 名由字子路

卜子 名商字子夏

朱子 名熹字元晦

冉子 名耕字伯牛

宰子 名予字子我

冉子 名求字子有

言子 名偃字子游

顓孫子 名師字子張

祭品左五共羊豕一每位中爵一和羹一黍稷左鹽棗栗脯右菁鹿醢芹鹿兔右五同祭器陳設每位  
鉶一籩豆各四簠簋各一束共帛一篚一右亦如之

東廡

肥鄉縣志

卷二十三 典禮

二

澹臺子 名滅明字子羽

原子 名憲字子思

南宮子 名适字子容

商子 名瞿字子木

漆雕子 名開字子若

司馬子 名耕字子牛

有子 名若字子有

巫馬子 名施字子期

顏子 名辛字柳

曹子 名卣字子循

公孫子 名龍字子石

秦子 名商字不慈

顏子 名高字子驕

壤子 名馴字子徒

石子 名作字子明

公夏子 名首字子藥

后子 名處字子里

奚子 名容字子哲

顏子 名祖字子襄

甸子 名井字子疆

秦子 名祖字子南

縣子 名成字子橫

公祖子 名句字子之

燕子 名伋字子思

樂子 名欬字子聲

狄子 名黑字子皙

孔子 名忠字子思

公西子 名箴字子尙

顏子 名之字子僕

施子 名之常字子常

秦子 名非字子之

申子 名楨字子周

顏子 名噲字子聲

公明子 名儀

穀梁子 名赤

毛子 名亨

高堂子 名生

毛子 名萇

后子 名蒼

杜子 名春

諸葛子 名亮

陸子 名贄



肥鄉縣志

卷二十三 典禮

三

韓子名愈

邵子名雍

楊子名時

謝子名良佐

羅子名從彥

許子名謙

曹子名端

湯子名斌

西廡

宓子名不齊字子賤

高子名柴字子羔

梁子名鱣

冉子名季

商子名澤

范子名仲淹

司馬子名光

張子名枋

魏子名了翁

王子名栢

許子名衡

王子名守仁

孫子名奇逢

公冶子名長

樊子名須

再子名儒

漆雕子名徒父

任子名不齊

程子名顥

胡子名安國

陸子名九淵

陳子名醇

趙子名復

吳子名澄

方子名孝儒

公皙子名哀

公西子名赤字子華

栢子名虔

漆雕子名哆

公子

公子名眉

榮子名旂

原子名亢

公西子名輿

琴子名張字子牢

蘧子名瑗

伏子名勝

范子名甯

周子名敦頤

張子名載

李子名綱

陳子名滌

陸子名秀夫

蔡子名清

鄔子名單

左子名人郢

廉子名潔

邾子名異

步子名叔乘

左子名邱明

孔子名安國

鄭子名康成

歐陽子名修

程子名頤

蔡子名沈

眞子名德秀

金子名履祥

陳子名憲章

罕父子名黑

鄭子名國

叔仲子名會

陳子名亢

公孫子名僑

公羊子名高

董子名仲舒

王子名通

韓子名琦

胡子名瑗

黃子名幹

文子名天祥

薛子名瑄

胡子名居仁



呂子名枏

陸子名隴其

據會典東分十六壇西分十六壇舊志每四位一壇每壇中爵四黍稷餘品同十哲每廡共猪羊各一  
祝文

維年月日具官某敢昭告於至聖先師孔子維神道冠古今德配天地刪述六經垂憲萬世惟茲仲春  
秋謹以牲帛醴齊粢盛庶品祇奉舊章式陳明薦以復聖顏子宗聖曾子述聖子思子亞聖孟子配尚  
饗

崇聖祠舊名啟聖今改為崇聖

崇聖祠舊止祀先師父啟聖公雍正 年加封五代題稱肇聖王木金父公裕聖王祈父公詰聖王防  
叔公昌聖王伯夏公啓聖王叔梁公神主仍以孟皮顏無繇曾點孔鯉孟孫激公宜配俱稱先賢某氏  
之位程珦朱松蔡元定周輔成從祀俱稱先儒某氏之位祭期同孔廟祭物帛五豕一羊一猪首五肉  
七塊重七十觔燭十對藁魚五黍禾稻粱各五升鹽四觔栗棗各三觔芡菱白果二觔芹韭笋菁各三  
觔牙香八兩檀四兩未一升線五束酒一罈草三担庭燎一把紅麴大料各三包脯羊一兔魚醢各三  
罈椒醬各一觔油三觔羹肉四觔祭器籩豆各八簋簠各二鉶二爵三帛一篚一會典云東配豕一爵  
三帛一篚一每位簋簠各一籩豆各四西配同東西從祀同

### 肥鄉縣志

卷二十三 典禮

四

維某年月日具官某敢昭告於崇聖公之神曰惟公誕生聖嗣為王者師功德顯著萬世仰依維茲仲  
春秋謹以牲醴用伸告祭以先賢顏氏先賢曾氏先賢孔氏先賢孟孫氏配尚饗  
祭期與孔廟同祭物羊一豕一其一壇爵豆與兩廡同  
祝文云出則澤民處則範俗月旦允符俎豆斯秩

關帝廟

雍正三年加封三代五年加祀典每年二祭俱用太牢後殿祀帝君三代祖父光昭公裕昌公成忠公  
神位照文廟崇聖祠例祭期每年除五月十三日前殿照常用牛一豕一羊一帛一果品五盤後殿係  
公爵不用牛隻餘悉照前殿其春秋二祭照文廟例前殿犧牲用牛一豕一羊一籩豆各十帛一後殿  
犧牲用豕各一羊各一籩豆各八帛各一

祝文云維神忠貫古今義配天地浩氣永存俎豆萬世

文昌閣禮如文廟

祝文云世士大夫濟物利民不翼多士克展科名

奎樓

祝文云列曜紫薇騰輝東壁國運文心道隆啓迪



社稷壇

神牌稱某縣社之神某縣稷之神高闊各有尺寸臨祭以矮卓盛頓祭畢藏之祭期每歲仲春仲秋上戊日其齋戒省牲瘞毛血盥巾酌酒獻帛飲福受胙行三獻俱如文廟式惟將畢唱望瘞獻官至望瘞所執事者以祝帛焚坎中以土實坎通唱禮畢牲用少牢祭品和羹黍稷稻粱左粟棗鹽魚右韭醯醢菁兔祭物羊二豕二帛二長一丈八尺用黑色兔二燭三對羹肉三觔藁魚二鹽一觔白菜一觔菱米一升芡二兩棗栗各二觔黍稷稻粱各三升笋韭菁大料各二兩芹一兩酒一壺牙檀香二兩米二升魚鹽醢不拘祭器同文廟

古者社稷分祀社用石主半埋土中稷用木主而丹漆之壇而不屋以受霜露風雨而達天地之氣明太祖曰社爲五土之神稷爲五穀之神土主生發五穀各壇而祭是不合於生生之義矣合祀自明代始

祝文具官某敢昭告於某社之神某稷之神曰品物資生烝民乃粒養育之功茲仲春秋禮宜告報祀謹以牲帛醴齊粢盛庶品式陳明薦尙饗

風雲雷雨山川城隍之神

祭期每歲月用仲春秋上旬會典云不擇日舊志云日用上巳設三神位風雲雷雨居中山川居左城

肥鄉縣志

卷二十三 典禮

五

隍居右風雲雷雨帛四山川帛二城隍帛一俱白色其祭物祭器及齋戒省牲陳設並與社稷同但臨祭時執事者先以毛血瘞於坎不唱瘞毛血奠帛初獻先詣風雲雷雨神位前次詣山川神位前次詣城隍神位前次詣讀祝所亞獻終獻同初獻不唱奠帛讀祝望瘞改唱望燎座分中左右羊豕兔各三祝文具官某敢昭告於風雲雷雨之神某府某縣境內山川之神某府某縣城隍之神曰惟神妙用生機生育萬物奠我民居足我民食某等忝職茲土今當仲春秋謹具牲醴庶品用申常祭尙饗

先農廟

祭期於二三月內擇吉行禮廟內設先農之神位三獻讀祝如常儀廟外設耕藉之神位各官行一揖禮畢行九推之禮祭品豬一羊一荔枝龍眼棗栗榛子白果各半斤酒十二斤燭三對香三束大鏝三把小米半升豬首一雞一魚一湯飯一卓帛一幅連匣稻米半升

祭文

維神肇興稼穡粒我蒸民思文之德各配彼天率育之功常存時夏茲當東作咸服先疇共推九五之尊歲奉三推之典恭膺守土敢忘勤勞謹奉彞章聿修祀事惟願五風十雨嘉祥恆沐於神庶幾九穗雙歧上瑞頻書於大有

漳河廟



祀已附境內之山川而漳爲一邑利害凶穰甚大水經云獨流如海謂之瀆漳則獨流而永世注此誕辰出王臣稗說不足信應做在外有司各隨所屬祀瀆制以春秋二仲擇吉祭之齋戒陳設祭物祭器一如壇式

祝文維神鍾德鳩山發源渚派溥澤攸宏砥柱允賴

### 邑厲

每歲春清明秋七月十五日冬十月一日祭無祀鬼神其壇設於城北郊牲用豕三羊三飯米三石香燭酒紙俱隨用

先期三日主祭官齋戒備香燭酒果詣本境城隍發告文贊拜如常禮至日設城隍於壇上羊一豕一設無祀鬼神位於壇之左右羊二豕二解置於器同羹飯等鋪設各鬼位前贊拜讀祭文如常禮祭文

維年月日某縣官某遵奉禮部符付爲祭祀本縣閣境無祀鬼神等衆事該欽奉

皇帝聖旨普天之下后土之上無不有人無不有鬼神人鬼之道幽明之殊其理則一故天下之廣兆民之衆必立君以主之君總其大又設官分職於府州縣以各長之各府州縣又於每一百戶內設一里長以綱領之上下之職綱紀不紊此治人之法如此 天子祭告天下神祇及天下山川王國各府

## 肥鄉縣志

卷二十二 典禮

六

州縣祭境內山川及祀典神祇庶民祭其祖先及里社土谷之神上下之禮各有等第此事神之道如此尙念冥冥之中無祀鬼神昔爲生民未知何故而殘其間有遭兵刃而橫傷者有死於水火盜賊者有被人取財而逼死者有被人強奪妻妾而死者有遭刑禍而負屈死者有天災流行而疫死者有爲猛獸毒蟲所害者有爲饑餓凍死者有因戰鬪而殞身者有因危急而自縊者有因墻屋傾墮而壓死者有死後無子孫者此等鬼魂或終於前代或沒於近世或兵戈擾攘流移於他鄉或人烟斷絕久缺其祭祀姓名泯沒於一時祀典無聞而不載此等孤魂死無所依精魄未散結爲陰靈或倚草附木或作爲怪妖悲號於星月之下呻吟於風雨之時凡遇人間節令心思陽世魂杳杳以無歸身隨沈淪意懸懸而望祭興言及此憐其慘悽故救天下有司依時享祭在京都有黍厲之祭在王國有國厲之祭在各府州有郡厲之祭在各縣有邑厲之祭在一里又各有鄉厲之祭期於神依人而血食人敬神而知禮仍命本處城隍以主此祭欽奉如此今某等不敢有違謹設壇於城北以三月清明日七月十五日十月一日置備牲醴羹飯專祭本縣合境無祀鬼神等衆靈不昧永享此祭凡我一縣境內人民儻有忤逆不孝不敬六親者有姦盜詐僞不畏公法者有拗曲作直欺壓良善者有躲避差徭靠損貧戶者似此頑惡姦邪不良之徒神必告於城隍發露其事使遭官府輕則笞決杖斷不得號爲良民重則徒流絞斬不得生還鄉里若事未發露必遭陰譴使舉家並染瘟疫六畜田蠶不利如有孝順父母和睦親族畏懼官府



遵守禮法不作非爲良善正直之人神必達之城隍陰加護佑使其家道安和農事順序父母妻子保  
守鄉里我等閣縣官吏等如有上欺朝廷下枉良善貪殘作弊蠹政害民者靈必無私一體昭報如此  
則鬼神有鑒察之明官府非詔諛之祭尙饗  
告城隍文

某縣遵奉禮部筭付爲祭祀本縣無祀鬼神欽奉 皇帝聖旨今國家治民事神已有定制尙念冥冥  
之中無祀鬼神命本縣城隍以主此祭鎮控壇場鑒察諸神等類其中果有生爲良善誤遭刑禍死於  
無辜者神當達於所司使之還生中國永享太平之福如有素爲兇暴身死刑憲雖獲善終亦出僥倖  
者神當達於所司屏之絕域善惡之報神必無私欽奉如此今某等不敢有違謹於某年月日於城北  
設壇置備牲酒羹飯享祭本縣無祀鬼神等衆然幽明異境人力難爲必資神力庶德感通今特移文  
於神先期分遣諸神召集本縣閣境鬼靈等衆至日悉赴壇所普享其祭神當欽承勅命鎮控壇場鑒  
察善惡無私昭報爲此合行移牒請照驗欽依施行

城隍廟

合祭已具山川壇新官到任誓於此廟朔望及去任則謁之

土地祠

肥鄉縣志

卷二十三 典禮

七

八蜡祠

有司爲農祈報之祭曰先嗇之神曰司嗇之神曰百種之神曰坊之神曰水溝之神曰農之神曰貓虎  
之神曰郵表暉之神祈報以春秋二仲用上戊日

祝文 惟神篤佑農事克護嘉穀爲民立命萬世錫福今將東作 已酉成謹以牲醴庶品用申祈 報祀

旗纛廟

應於公廨後立廟設軍牙大纛神位春祭驚蟄日秋祭用霜降日祭物用羊一豕一帛一色祝一香燭  
酒果先期各官齋戒一日至日守禦官武服行三獻禮若出師則取旗纛以祭班師則仍置於廟儀注  
與社稷同

祝文正直無私指揮將士助揚威武神力永恃某等欽承上命守禦茲土時當仲春理宜致祀牲醴庶  
品用伸常祭

馬神廟

祝文宰制驪黃既蕃且息經方致遠永賴神力

文靖祠

祭用仲春秋上戊日豕羊各一餘同鄉賢祀



祝文維公篤鍾間氣爲宋名臣休休斷斷間業常新君曰缺陷人曰聖人高山景仰俎豆斯陳  
寶公墓

祭期祭品同文靖

祝文維公學宗伊洛道重綱常職居顧問克奏平康

三鄉禮

鄉飲酒禮

每歲正月十五日十月初一日行禮如制舊志云鄉飲之名始於成周歷漢唐以來皆行之明聖誥有云所以叙長幼論賢良別奸頑和鄰里從者昌否者亡垂世儆俗之意深矣邇來公議衰落賓介虛席鄉耆以不與爲幸而與者率濫及匪德之人愛禮存羊者其尙留意焉余讀姚履素定鄉飲禮說而知世皆誤於圖式以致一唱百和并先王制禮之本意而失之安望其重德尙齒以傳播無窮也茲則略圖說大意以附於左

鄉飲酒延訪年高有德爲衆所推服者爲賓其次爲

凡僕以府州縣佐蓋宋制也明洪武十七年刊定僕賓擇鄉里年高有德之人按禮記不言僕爲何人儀禮注云遵者謂此鄉之人仕至大夫者也來助主人樂賓主人所榮而遵法者稱僕爲賓其非僚屬

# 肥鄉縣志

卷二十三 典禮

八

可知况集禮既有明文而頒行儀注主人率僚屬迎賓庠門之外以入行禮畢又率僚屬出迎僕豈有府縣正堂而率僚屬以迎佐二者乎

按會典主位於東南禮記云天地溫厚之氣始於東北而勝於東南主人者接人以仁德厚者也故坐於東南又云主人必居東方東方者春春之爲言蠢也產萬物者也主人者造之產萬物者也其爲東方西向而偏於南明矣近禮俱向西北隅非是 按會典賓位於西北禮記云天地寒凝之氣始於西南而勝於西北天地之尊嚴氣也賓者接人以義者也故坐於西北又云賓必向南南方者夏夏之爲言假也養之長之假之仁也其爲北方南向而偏於西明矣近禮近東南隅非是 會典僕賓位於東北禮記云坐賓於西北而坐介於西南以輔賓坐主於東南而坐僕於東北以輔主人夫介輔賓者也賓南向而介東向僕輔主人者也主人西向則僕南向而偏於東明矣近禮向西北隅非是 會典介位於西南禮記云介北東向介賓主也則其爲西方東向而偏於南明矣近禮向東北隅非是 按蘇州胡公碑紀云古禮之行於今惟鄉飲耳而不盡合於古如賓位西北僕位東北介位西南主位東南取象於天地日月者也不察者遂各以隅向嗟乎三賓衆賓俱正向司正俱正向主賓僕介顧隅向耶以爲尊君則有參差以爲敬賓則無取義嘉隆以前會典圖式俱正向而萬歷年間更之蓋亦纂修者誤於聞見乃并取刊布圖式而易置焉以訛承訛傳流天下况社飲酒禮會典席皆正向何獨至於鄉



飲而異之乎

四賓禮

賓興生員

有司設筵於公庭具束約諸生齊致贐金若干舉觴稱饒盛張鼓樂造天橋作五星聚奎諸戲筵畢以彩帳盒酒迎送北郭外

賓興舉人

中式報至即日豎旗送匾張鼓吹本縣先宴本府次宴次赴真定鹿鳴宴各有衣頂真定一宴今裁革坊金百兩今改八十兩

賓興進士

豎旗送匾公宴給坊價較舉人皆加厚

賓興歲貢

舊例縣以二年一貢學院試准有司設宴給衣頂豎旗送匾迎致其門仍給路費若干舊志云致敬盡禮則有司存誠哉是言

關岳合祀

肥鄉縣志

卷二十三 典禮

關壯繆侯

岳忠武王

本主二歲兩祭時用春秋月用仲日用中戊牲牢祭品與孔廟同

配享

張飛	趙雲	王濬	謝玄
韓擒虎	賀若弼	李靖	尉遲敬德
蘇定方	李光弼	郭子儀	王彥章
曹彬	狄青	韓世忠	劉錡
旭烈兀	郭侃	徐達	常遇春
馮勝	藍玉	戚繼光	周遇吉

民國三年奉大總統令春秋致祭十七年奉令凡春秋二祭及其他各祠一律廢止